

叙州府志

坊表冢墓
金石

册九第

敘州府志卷十五

坊表附

宜賓縣

郝世科坊 在正東街額曰瑣垣恩慶諫議侍臣明

萬曆三十一年爲庚辰進士南京戶科給事中郝世

科建

都憲坊 在正東街明嘉靖二十四年歲次乙巳正

月欽差巡撫四川都御史儀封劉大謨爲欽差巡撫

甘肅等處都御史陳卿立

李本雄李夔坊 在正東街額曰龍章申錫薇省綸

敘州府志

卷十五

坊表

一

宜賓

褒爲明贈通奉大夫李本雄夫人余氏贈通奉大夫

李夔夫人王氏立

李文續坊 在正東街額曰清白名臣兩寄旬宣爲

明嘉靖己未進士河南布政使司李文續立

劉光大坊 在正東街額曰德行文學白雲紫誥明

萬曆庚申年爲贈刑部員外郎雲南安甯州學政從

祀鄉賢劉光大封太安人羅氏立

李長春坊 在正東街額曰大宗伯海內文宗明萬

曆己丑正月爲禮部尙書國子監祭酒李長春立

羅嘉賓坊 在正東街額曰青瑣馳封黃門都諫今

圮惟石柱存

卞鳳來坊 縣署東仰化樓下坊圮知縣陸成本爲立碑識其處

郝廷相坊 小南門外

周孟清坊 北門外忠孝街

周 爻坊 在北門外劉武臣街坊有二額一曰節鎮三省一曰褒封二代

百二河山坊 在東門外崇禎戊寅年建

雙龍飛控坊 在合江門外崇禎戊寅年建

江城鎖鑰坊 在北門外正街崇禎戊寅年建

敘州府志

卷十五

坊表

二

宜賓

樂善坊 在正北街郡守淡士灝建

丹華福地坊 在合江門內糧房街口兩面字同小字不可辨今圮

節孝坊 在北門外劉武臣街爲李世熊母鄭氏建

節孝坊 在北門外正街爲李晏川母梁氏建並縣志

節孝總坊 小南門內道光十六年知縣朱琦建

節孝總坊 治北崇報寺側知縣潘先珍建

節孝三坊 俱在泥溪場一爲武生賀昇平母陳氏

建一爲張靄然母王氏建一爲衛千總王正綱母賀

氏建

徐璋坊 在西門外大覺寺側咸豐十五爲都司徐
璋建坊有二額曰戎州管鑰古爨金湯並舊稿

慶符縣

石牌坊 縣南二十里古渡岸上明嘉靖十四年立
鐫慶符懷遠鎮五大字

來復渡古坊 縣北五十里來復渡岸上古石坊大
書來復名津四字今坊存而字跡剝蝕縣志

富順縣

祝慶演儀坊 萬壽寺前

澄清坊 察院前

敘州府志

卷十五

坊表

三

富慶順符

照勲坊 縣前僉事蔣信爲知縣童綸題

平政坊 縣左

縣治坊 縣前

地靈人傑坊 儒學前

安民坊 縣右

大司空坊 爲工部尙書甘爲霖建

大宗伯坊 爲禮部尙書李本建

西湖書院坊 書院前

進士坊 爲太常少卿黃輔政建

翰林坊 爲侍讀李本建

恩榮坊 爲知縣尹清建

進士坊 爲布政司周載建

進士坊 爲副使劉本建

荷天寵坊 爲周載建

進士坊 爲叅政甘敬修建

尙書坊 爲甘爲霖建

進士坊 爲主事蕭輔建

進士坊 爲主事楊式建

世恩坊 爲贈侍郎李繼宗御史李文昌同建

題名坊 爲舉人謝充建

敘州府志

卷十五

坊表

四

富順

旌表義民坊 爲余釗建

柱史坊 爲御史李鳳建

進士坊 爲宋豫卿建

秋官坊 爲贈主事唐公正建

誥贈坊 爲甘爲霖母涂氏建

誥封坊 爲甘爲霖繼母趙氏建

進士坊 爲按察使何鍾建

司憲坊 爲都察院司務甘嘉霖建

進士坊 在賴雅舖亦爲何鍾建

登科坊 爲舉人謝達建

都憲坊 爲都御史駱禹建

進士坊 爲叅政范懋和建

繡豸坊 爲贈御史熊戟建

金殿傳臚坊 爲修撰李長春建

冬官大夫坊 爲郎中李方至建

監察御史坊 爲御史熊迴建

父子進士坊 爲知府周詔主事周鍵建

青雲接步坊 爲熊遲熊過弟兄登科建

學士坊 爲禮部左侍郎侍講學士李長春建

進士坊 爲程嘉賓建

敘州府志

卷十五

坊表

五

富順

兄弟進士坊 爲熊遲熊過建

兄弟進士坊 爲郎中謝廷芝僉事謝廷蒞建

父子登科坊 爲知州熊載知縣熊遲郎中熊過建

貞節坊 爲劉福壽妻魏氏建

黃甲重光坊 爲熊過熊敦樸父子登科建

代受恩封坊 爲封叅議加贈尙書甘雨贈尙書甘

敬修贈尙書甘澤封都督府都事甘汝霖建

世登科第坊 爲叅政甘敬修尙書甘爲霖司務甘

嘉霖舉人甘化霖進士副使甘茹建

世承坊 爲贈知州何勝才知府何徹贈太僕寺丞

何孟濬僉事何鍾建

恩命坊 爲尙書李本副使李鳳郎中李方至侍講
李長春建

綸恩三錫坊 爲初封主事再封知府三封副使宋

周建

四世進士坊 爲尙書李本副使李鳳郎中李方至
侍講李長春同贈建

千秋節義坊 爲生員郭懋宏妻楊氏建坊聯立孤
六尺心存趙從祀千秋節竝姜

世恩坊 爲南京國子督教范宏毅浙江道御史范

敘州府志

卷十五

坊表

六

富順

珠贈陝西副使范巡勅命貴州叅政范懋和建

六世宗伯坊 爲贈通議大夫南京禮部右侍郎李
志聰贈通議大夫南京禮部右侍郎李繼宗贈通議

大夫禮部右侍郎晉資善大夫本部尙書李本贈通
議大夫禮部左侍郎兼翰林院侍讀學士前陝西按

察司副使李鳳贈通議大夫禮部左侍郎兼翰林院
侍讀學士前工部水司郎中李方至贈通議大夫禮

部左侍郎兼翰林院侍讀學士李長春建

三朝進士坊 爲甘爲霖駱禹謝廷芝熊遲李鳳熊
過徐謙唐曜謝廷蒞趙珩周鍵王宗堯甘茹黃璿金

勿劉芹李方至謝朝錫熊迴陳珊范懋和宋豫卿楊
惟喬以上嘉靖李長春唐可封熊敦樸錢節用王湘郭如

暄以上慶隆郭衢階陳揚產劉之龍黃師文以上萬曆建

皇朝父子孝廉坊 爲康熙辛酉舉人李爾振辛卯舉人

李九華建

正節坊 爲李天樞妻陳氏李九河妻王氏建

節烈坊 在縣北萬家橋爲萬世最妻倪氏建

坤輿正氣坊 在自流井龍璫爲生員王紀肅妻陳

氏建並縣志

南溪縣

敘州府志

卷十五

坊表

七

富順南溪

繡衣繼美坊 在縣城中正街爲明邑進士劉景寅

劉景宇劉忠劉信立修建年代無考今燬

淑德垂型坊 在縣城中正街乾隆元年爲邑庠生

郭維垣妻節婦雷氏立額鐫正節流芳四字

節孝總坊 爲郭良樅妻陳氏良俊妻陳氏文珍妻

張氏建同治九年重修

冰清玉潔坊 在東關外觀音閣前乾隆初年建節

婦姓氏漫滅不可識

漢烈女坊 一在城內一在西關外乾隆中知縣翁

霑霖爲漢張貞妻烈女黃帛立

勁節凌霜坊 在縣城南門內嘉慶九年爲傳友松妻節婦劉氏立

百齡人瑞坊 在北關外嘉慶二十五年爲鄧坤壽妻王氏立

崇祀鄉賢坊 在縣東石旺溪上道光七年爲邑孝廉方正包寬立

雷孝子坊 在李庄鎮會光寺前道光十七年知縣翁紹海爲孝子雷大立

節孝總坊 在鳳翔門節孝祠前道光十三年知縣王聯陞爲闔邑節婦立又一在東關外同治九年立

敘州府志

卷十五

坊表

八

南溪

又一在皇都門內年久漸圯同治九年知縣雷爾卿培修

開廣裕路坊在城內考棚前道光十七年知縣翁紹海立

清照貞溪坊 在西關外黃帛坎咸豐九年爲貞女李張姑立

學道愛人坊 在西關外黃帛坎咸豐九年爲知縣唐炯立

坤維英烈坊 在縣南牟家坪同治六年爲曾光恩妻烈婦張氏立

忠烈總坊 在西關外同治九年爲前滇匪之亂殉
難紳團婦女立

坤維正氣坊 在城內上正街爲周應祥妻節婦彭

氏立同治九年重建

並縣志

長甯縣

旌孝坊 在東門外僅存其基

李氏節孝坊 明洪武中建

張氏節孝坊 明宏治中建

沈氏節孝坊 明正德中建

龐氏節孝坊 楊氏節孝坊 朱氏節孝坊 以上

敘州府志

卷十五

坊表

九

南溪長甯

明代

李氏節孝坊 縣北七十里上長鄉

羅氏節孝坊 縣東十里龍透鋪

李氏節孝坊 縣城北街

葉氏節孝坊 縣北六十里上長鄉

程氏節孝坊 縣北六十里上長鄉

劉氏貞壽坊 縣治內仁壽街嘉慶八年建

解元坊 在東城外爲周洪謨立今圯

進士及第坊 一在東城外爲周洪謨立一在東街

爲李永通立並圯

大宗伯坊 縣治北越山爲周洪謨立今圮

經筵學士坊 在縣治內西街爲李永通立今圮

二榜眼坊 在儒學署前爲周洪謨李永通立今圮

青雲得路坊 分司署前爲車輦立今圮

進士坊 在縣治西街爲李鯨立今圮

兄弟聯科坊 縣治前爲李鯨李鯤李鱗立今圮

進士坊 共三座在縣治南街一爲沈華一爲侯啟

忠一爲李仕清立今圮

勅命龍光坊 在縣治南街爲李仕清立今圮

五馬坊 在縣治清風閣前爲知府李鱗立今圮

敘州府志

卷十五

坊表

十

長甯

儒科相繼坊 在縣治東街爲周汝端立今圮

大夫第坊 在縣治南街爲知州杜桂立今圮並縣志

萬古威靈坊 在忠佑廟前明成化間立

圖書洞府坊 嗣祿淵源坊 二坊俱在文昌廟前

嘉靖間立並舊稿

高縣

坊表縣志缺載

筠連縣

坊表縣志缺載

珙縣

坊表縣志缺載

興文縣

萬壽坊 縣正街萬壽宮前

張介孝子坊 縣正街今圯

石璠妻袁氏節孝坊 縣北街

石鑾妻曹氏節孝坊 縣正街

何廷拭妻龐氏節孝坊 縣正街

張懷義妻李氏節孝坊 在建武城中節鎮橋

羅旗妻苟氏節孝坊 在建武城東鐵鎖橋側

羅文彬妻陳氏節孝坊 在建武東下馬台

敘州府志

卷十五

坊表

十一

隆昌

權世魁妻拴氏節孝坊 在建武城東街並縣志

隆昌縣

貞烈坊 南關外係郭懋宏妻楊氏坊泰昌元年旌

表題額有世膺褒封世中經元八字

鵞湖砥柱坊 南關外鎖江橋上明提學邑人胡克

開書

報恩坊 知縣朱治隆建

褒封坊 知縣孫應祖建

正覺坊 在正覺寺明王洪謨建禮部郎中郭鎮北

題

普照坊 在普照寺明萬曆甲辰勅建

布政坊 縣東三里爲熊應占立

科甲聯芳坊 在南鄉郭書宅前鐫祖孫父子兄弟

叔侄科甲聯芳明侍讀學士黃輝題

巴蜀通衢坊 知縣于中行立

敘南重地坊 知縣黃文理立

騰蛟起鳳坊 在文廟街

金鷺書院坊 在書院前

節孝坊十一 一爲王文明妻李氏立在石燕橋一

爲雷首魁妻劉氏立在北鄉賈石井一爲生員郭復

敘州府志

卷十五

坊表

十二

隆昌

新妻吳氏立在南城外一爲晏皎妻喻氏立在北關

外一爲郭玉岫妻潘氏立在北關外道觀坪一爲郭

世蕃妻陳氏立在北關外一爲曾存釗妻羅氏立在

北關外道觀坪一爲華永洸妻羅氏立在北關外一

爲黃遠桂妻汪氏立在北關外道觀坪一爲劉天恒

妻郭氏立在迎祥街一爲余曰讚妻葉氏立在縣南

六里

節孝總坊 在南關外春牛坪共一百八十六人咸

豐五年 旌

五世同堂坊 在南關外春牛坪爲余大隆妻李氏

立道光二十六年 旌

三楚福地坊 在北關外禹廟前道光十二年建

德政坊七 一爲邑侯牛樹梅建在北關外道觀坪

一爲邑侯劉光第建在北關外道觀坪一爲邑侯張

敏行建在北關外道觀坪一爲邑侯李吉壽建在南

關外春牛坪一爲邑侯肅慶建在北關外道觀坪一

在北關外同治十二年六月建一爲邑侯國歡建在

南關外春牛坪

憇棠留蔭碑 在春牛坪爲邑侯牛樹梅立

孚惠亭 在道觀坪爲邑侯張敏行建

敘州府志

卷十五

坊表

十三

隆昌

德政碑 在學署前爲教諭楊大成立

孝廉坊 縣東五里爲邑人王夢桂父子孝廉所鐫

巖壁中有中流砥柱四字

渝瀘通衢坊在土地坎下乾隆乙卯秋建

孝子總坊 爲劉騰龍陳先典朱佐耀華遠容晏紹

景立在北關外

肅清河道碑 在春牛坪爲永甯道恩建

好惡同民碑 在春牛坪爲瀘州知州周建

除暴安良碑 在春牛坪爲永甯道延建

政通人和碑 在春牛坪爲知縣國璋建

保赤誠求碑 在道觀坪爲知縣國璋建

鋤莠安良碑 在道觀坪爲永甯道恩建

誠求必應碑 在洞坎上道光十八年知縣薛崧爲

祈雨建

鵞洞飛雪碑 在洞坎上道光九年知縣李盤建

誌孝碑 在迴龍觀文昌殿左

誌友碑 在迴龍觀文昌殿右

一門三元坊 在北關外爲知縣朱雲駿建今廢

龍門勝蹟坊 在迴龍觀左

石印遺徽坊 在迴龍觀右並縣志

敘州府志

卷十五

坊表

十四

屏山縣

屏山縣

如曰之升坊 萬歲亭前

三巴要郡坊 府署前今廢

護國庇民坊 治西

彝倫攸敘坊 在明倫堂今圯

名賢過化之地坊 名賢祠坊 俱在書樓鄉爲薛

文清公立

于公廟坊 明嘉靖乙酉年郡守楊本源立

名御史坊 在福延鄉爲御史白圭立

文光坊 在文廟側爲舉人楊守立

乾坤正氣坊 在福延鄉爲節婦瞿惠妻張氏立

節孝貽芳坊 在大什字爲節婦張服仲妻蹇氏立

松筠節操坊 爲節婦王舉民妻楊氏立

貞女坊 書樓鄉爲黃姑立

守貞遂志坊 在東關爲節婦任應孝妻楊氏立

龍湖第一禪林坊 在太洪寺前

貢賢坊 在縣東

進賢坊 在縣東

禮樂坊 在縣東

得桂坊 在縣北

敘州府志

卷十五

坊表

十五

雷屏山
波

德政坊 在縣南

集賢坊 在張家灣

雙桂坊 在東城外並縣志

馬邊廳

廳志缺載

雷波廳

節烈坊 在東關外乾隆時爲張信弼妻黃氏建道

光十九年通判劉耀庚改易之光緒十九年通判秦

雲龍集貲改建仍爲節烈坊秦雲龍序烈婦姓黃氏

適獬子村鄉民張信弼乾隆五十四年四月初五日

天甫明信弼早起外出氏猶在床卧其雇工吳俸闌入氏房戲調之氏不從俸遂以刀砍傷其頸逾時畢命事聞於

朝部議旌表官爲建坊於東關外以彰其烈至道光末年前別駕劉公耀庚改易其坊以著修城勞績而氏之奇節烈行幾致淹沒余蒞任斯土采風問俗都人士尙能言其大畧後修廳志檢卷省視始得其詳喟然者久之夫窮僻之鄉罔識禮教氏以婦人而能舍生取義夫豈易言况旣旌之而又毀之將何以示國恩而定民志也事隔百餘年坊木朽壞其字迹不可

敘州府志

卷十五

坊表

十六

雷波

復識乃重加改建葺而新之仍標烈婦姓名於其上庶貞魂烈魄不致抱憾九京且存天下之至公發人心之同好藉激揚以資觀感或於風教稍有裨益云爾

熙朝人瑞坊 在海腦壩場口爲耆民劉廣順建今毀

節孝坊 在東關外通判秦雲龍爲完節眾婦建並廳志

冢墓附

宜賓縣

唐黎幹墓 治西十里石馬猶存人呼爲石馬溪

宋竇氏墓 治西五十里今名竇壩並縣志

按通志竇禹鈞墓下云禹鈞燕山人流寓至蜀居於宜今搨來數碑一故祖妣宋氏夫人墓左紹興丙寅三月初五日改遷右孫康國記一宋故先君丞事之墓左餘遷於二字右餘州字一宋故遯菴老人竇公五二郎墓左餘開禧二年歲次丙寅八字右餘十六日癸酉男六字一宋故靜菴居士竇下缺右餘上大四郎四字一餘儒四郎宣義五字左餘五月庚戌四字右餘母命立石謹記六字一

敘州府志

卷十五

冢墓

十七

宜賓

宋故趙氏小十娘子墓左餘純熙改元甲午歲右餘十九日三字一司馬氏朝娘子孺人墓左餘丁酉二字右餘師奉父命立石六字一宋故任氏道十娘子下缺一餘王氏六八娘子六字上下缺據碑文皆宋竇氏改葬之墓未必卽禹鈞墓也記之以俟考

三程墓 治西一百二十里公碩公說公許爲三程今越溪岸上墓後爲蟠龍寺卽蟠龍書院也縣志

廖及墓 在縣治錦屏山通志〔按山谷文墓在夔道錦

屏山宜賓志未載惟屏山縣有錦屏山俟考

黃庭堅墓銘庭堅以罪放黔中三年又避親嫌遷置於戎州未至而訪其士大夫之賢者有告者曰王默復之廖及成叟其人也問復之之賢曰復之學問文章爲後進師表褒善貶惡人畏愛之激濁揚清常傾一坐鄉人之爲不善者必悔曰豈可使復之聞之問成叟之賢曰事父母孝敬有古人所難邃於經術善以所長開導人子弟以爲師保能以財發其義四方之遊士以爲依歸竊自喜曰雖遷置戎州而得兩賢與之遊可無恨至戎州而訪之則二士皆捐館舍矣未嘗不太息也會成叟之子

鐸以進士王全狀其先人言行來乞銘遂敘而銘之敘曰維廖氏得姓於周至唐乃有顯者唐末有仕於犍爲不能歸留爲蜀人至遯翁五世矣大父君諱翰辭不受父祖田宅以業其兄而自治生因爲戎州著姓生二子曰璆曰琮璆有文行而不得仕琮以奉議郎致仕恩遷承議郎累贈翰至宣德郎璆有子曰及是謂遯翁遯翁天資魁梧性重遲不兒戲長而刻意問學治春秋三傳於聖人之意有所發明不以世不尙而奪其業元祐初乃舉進士至禮部有司罷之而不愠也居父喪卒哭而哀

不衰猶有思慕之色奉其母夫人溫清定省能用
曲禮使其親安焉士有負公租將就杖者遯翁持
金至庭曰願以此輸逋錢免廢一士有司義而從
之土俗病者必殺牛祭非其鬼遯翁嘗病親黨皆
請從俗禱焉遯翁曰不愧於天吾病將已否則天
且劓之禱何益里中薦士應經明行修詔者上下
皆以爲可遯翁獨不可旣而不果薦識者以爲然
年四十遂築南園曰吾期終於此遯於人而全於
天不亦可乎則自號南園遯翁幽居獨樂非其所
好姻家鄰室不覲也如是數年年四十有五而卒

敘州府志

卷十五

冢墓

十九

宜賓

復之哭之曰天奪我成叟吾衰矣娶河內于氏生
三男二女男則鐸次構次桐長女適進士李武次
在室鐸以元符元年十有一月壬申葬遯翁於棘
道縣之錦屏山於是母夫人年七十三除喪而哭
之哀曰諸子孫事我豈不夙夜亡者之能養不可
能已嗚呼可謂孝子矣銘曰嗚呼遯翁遯於人乃
其不逢全於天乃其不窮初若泛也考於人而同
中若隘也考於義而通卒而不病於孝藹然有古

人之風

通志

周洪謨墓

在縣東二里江岸長甯人諡文安墓右

半里有神道碑

尹通判墓 郡西二里許慕濂溪有石坊曰尹氏佳

城忠介伯曾祖

並縣志

李夔墓 在縣北三里天柱山文續之父

通志

明樊垣墓表予自童時猶及見吾鄉二老人長厚抗直之節足以激頹薄而愧媿媿者二事焉其一太學生李公本雄例當陪貢應貢者文不入式督學意在公公力辭且爲其人懇請之督學察其誠卽從其請書興讓二字旌之次年公卽例貢計偕入太學歸慨然曰吾知仕路矣吾不能跼蹐視人眉

敘州府志

卷十五

冢墓

二十

宜賓

睫也遂不復謁選其一教授王公明幼與兵部侍郎介泉陳公友而長於陳晚歲各致政家居陳公位望矜嚴不妄引接顧獨嚴事王公如兄王公亦弟視之不少下夫陪貢卽欲奪正應貢卽希巧宦此恒物之常至於文學官孰能典卿貳爲友卽有之亦孰敢有抗禮且弟視之者二公所樹立若此甯不足以激頹薄而愧媿媿乎二公相得甚謹遂有婚媾之好王公以女室李公之子是爲誥贈奉政大夫浙江按察司僉事李公夔宜人王氏雲南布政使司右叅政李公文續之父母也大夫早歲

習學苦家貧勤儉治生絕無伎求居室既振每以
驕逸爲戒王宜人既歸遂爲合德太學公居家嚴
而有禮大夫宜人事之撰杖履拚帚箕奉席執几
帶觴佩礪極卑而甚勞故能得太學公之懽心友
愛幼弟與姒氏衣服韶味視如一體羨積貲橐不
私毫髮性好拯人之急族閭鄉黨不能婚葬者輒
捐金帛周之嘗於市中拾遺金數鏹持歸王宜人
曰是安所得此也彼失金者不可哀乎大夫笑而
將去遇失者詢其實卽舉囊歸之罔責報焉嗚呼
大夫宜人其勤儉之節同事親之孝同友愛之仁

同至於拯人之急又不謀而同此誠天作之合而
其習於二老長厚抗直之德不少也語曰木必有
本水必有源信然哉大夫以嘉靖丙午二月終享
年四十八宜人以甲辰十月終享年五十人謂大
夫宜人有世德而不獲永壽後必有顯者也而大
叅君果以明經起家漸進今職此世德之應也語
曰樹苗者期樹德者世其李氏之謂乎先是大叅
君官中書考績恩贈大夫爲徵仕郎王爲孺人越
八載大叅君以浙僉報政復荷制典加贈今職大
叅君祇奉命詞函褒服告壟下矣而隧道之表儀

未備今歲展祭墓下始建柱標墓勒前後誥勅制
詞於石柱過敝廬再拜涕泣請曰先世厚德遠貽
須子一言表彰以垂不朽予辭謝弗獲而爲發潛
德並著二老人樹立之節如此志通

吳道宏墓 翠屏山半石柱猶存

李文續墓 治北三里天柱山石坊望柱行獸具備
上相聯兩墓亦然卽文續祖與父也志並縣

宋世第墓 在縣北赤崖山富順人官雲南彌勒州

知州據通志增

張松齡撰宋世第墓誌公名世第字雲仍號恆軒四

敘州府志

卷十五

冢墓

二十二

宜賓

川富順人幼孤力學家貧就塾師聽講所聞輒悟
應對詳明師奇之以羣弟子皆弗若也有族人居
建武所往依之公性嚴正以道自樂傷時事紛拏
不欲就試族人持所著質之先輩稱曰此優經濟
者不僅以文也促以獻牘始充弟子員應光宗時
選貢既爲有位所知惟開帳課生徒絕不與戶外
事時亦重之天啟辛酉藺州士官奢崇明叛於永
甯地逼建武孤城累卵且有私謀捐賊者公曉以
大義苦乏餉不能守駐建武者安邊同知暨整遊
戎也同知他出遊戎員缺無主地方事者公云得

庫餉數千予丁壯爲堵禦之資庶幾無慮衆難之
公云謀自我出事自我行甯爲諸君累耶因矯檄
啟帑得鏹若干以給營兵而人心始固擁驍弁龔
萬祿管遊戎事而戰士始奮賊不敢睨城賴以全
事定後公詣丞請納鏹補額自陳矯檄之罪丞敬
其有濟變才慰藉備至聞之撫軍朱公名燮元曉
將畧徵詣軍門贊機務賊至成都百計攻擊隨方
應之如井油燒雲梯遣謀間賊黨皆出公計賊尋
滅公尺寸不居而以己身資格入都聽選除江西
新建丞以公之功可躡躋稍尊文得兼紀武得右

戎亦足怡暢何事屑屑居人後哉分定故也尊不
足以榮之卑不足以抑之公明此義過人豈不遠
哉居無何以卓薦陞雲南新平令處官如家字民
如子庭虛無訟刑爲之措至今遺愛不忘也陞知
彌勒州土官普明聲叛公親率兵進勦夜襲黎阿
選寨克之賊懼甚聞公於當事果速公如州清餉
道公行語當事曰師老矣宜速進戰搗巢馘醜此
其時也不聽賊果求援安南乘我之怠盡殲其軍
始悔不用公言也隨丁內艱旋里移家郡城恆以
天下爲憂歎曰人心不古事不可爲矣杜門謝客

衣布茹蔬精內典澹如也治墓所及棺衾草遺屬
將若告終諸子駭請曰大人無病何爲爲此公曰
吾歿當在來歲爲此者使汝曹遵治命不吾悖公
生於隆慶戊辰年七月二十一日卒於崇禎十三
年庚辰五月十三日年七十有八葬於郡北赤崖
山子肆樟丙午孝廉孫珩瑜俱庠生某屆蜀會公
歸窆備聞公狀於敘士大夫不揣撰書爲人倫風
化非藉公以存名姓也如公宏才勁節鮮有其比
不幸逢陽九而所建不盡所能可以悲矣銘曰維
蜀之陽秀山鍾祥誕育我公智謀允臧鋤平梗化

敘州府志

卷十五

冢墓

二十四

宜賓

帷幄金湯西殄奢逆南却普強厥功再造宜謹廟
堂幅巾歸里山澤徜徉委棄世榮采藥無方正寢
捐館蘭蓀自芳合逾歲久慕公不忘行雲邈邈嶺
色蒼蒼笑懦思公公勇莫當嫉柔思公公志克剛
代有傳人令德孔揚

尹仲墓 治北一百二十里蓮塘北岸

尹長鑣墓 仲季子同時罵賊死葬仲墓右

並縣志

樊垣妻吳夫人墓

據墓銘增

尹仲墓銘嗟夫郡北羅青田之陽爲友人樊君貽母
吳太君之墓而尹子志之志曰自余聯社君佩兄

弟因奉教於松坪先生先生闡政之嚴幾同朝典其闡中吳太君於訓有布衣提甕之風而能以讀書取友誨其子如古之所謂剪髮廣被者固宜其子之多賢也君貽於諸樊爲少而交予最晚乃其論交斤斤氣類不少假借郡中之所常過從者元誠劉君與庚詳兩兒也諸子登君貽之堂皆得拜太君太君嫗嫗勞之輒爲治供具務竟一日之譚而時從屏後窺諸子舉止一言得失皆爲君貽評之以故君貽奉太君教口無媿言足無軼步夏日不袒昵交不狎里黨字之曰聖人雖自戲論蓋亦

難之耳余每過君貽或卜夜觴至必揖讓以爲常余戲之曰禮樂攻吾短君貽曰有老母之命卽蔬食菜羹不敢廢余改容謝之自君貽讀父書太君卽日夕望其科名然至失意亦數數勞苦之曰兒能世先子卽慰吾意先子之重於世者非科名也兒勉旃勿作牛衣泣可乎是時君貽諸兄如君佩已應里選爲學博君帶已成進士雖出於異母而太君喜慰如所生不以利鈍欣戚其間余聞君帶之辭太君也曰兒行或五年或十年但得此床復有皦皦之黃髮在意遂足矣因潛然淚下太君曰

兒善自愛老人或未卽遺兒憂但不卜何日重聚耳太君之於諸子豈世俗之母所敢望哉太君年十有八歸松坪先生雖處饒裕不廢操作以是獨當太宜人意生平無間臧獲甘否一一調而劑之其天性慈淑如此辛酉九月避亂草池寢疾日十二而卒享年七十有八是年十二月初一日歸兆去松坪先生之墓四十里葬之前一月君貽手狀泣血以志銘請嗟乎余於鄉里幽德喜蒐而表之况其不待蒐者乎銘曰吾松坪先生之婦吾君貽之姥豈不爲溪汀之蘭豐林之楛氛而封哉其猶

敘州府志

卷十五

冢墓

二十六

宜賓

需他日之臥鱗與蹲虎

樊一蘅墓 治西去天池三里

鄧海暘墓 治西二百里許炤鄉明鎮邊總兵

李春先墓 治北天柱山半墓前有坊額曰此日始

間

尹從淑墓 治東六十里南溪縣界福溪口桂輪山

翁仲華表神道碑俱備

並縣志

柳芳陽墓 泥溪場三里許

韓 銓墓 貴州畢節道翠屏山塔院左

楊文碧墓 治北一百四十里墓前有湖廣全省總

督兵部侍郎楊公諱文十四字餘皆磨滅

危天眷墓 在黎湯鄉天眷貴州遵義人前明進士
任敘州府教授

丁西湖墓 在真武山鹽水溪左碑爲明昭武將軍

四川都司指揮僉事西湖丁公淑人張氏孺人周氏

萬曆己卯立陳觀察子雲李觀察得祐同題

並新採

皇朝樊澤達墓 治東六十里南溪界沱溪河

趙 暉墓 治西三十里九井灘上

胡 瀛墓 治北四里茅莒山

李 時墓 治西十二里地名廟兒山

敘州府志

卷十五

冢墓

二十七

宜賓

王錫侯墓 治北江岸半里抓米石上

汪 潮墓 治西北四十里牛口壩

義冢 治西北師來山下四冢爲乾隆丙午歲銅河

泛漲浮屍蔽江而下邑諸生吳有璋倡議葬埋不及

備棺另葬爲大坑四別男女以覆瘞之又翠屏山下

鹽水溪側二冢因師來翠屏二山葬埋叢襍墳多暴

露嘉慶八年貢生蕭錦川監生邱兆茂劉國順廖庶

鑑邢兆龍釀金四百餘生息募人於墳之暴露者代

爲掩藏枯骨之散布者檢置白骨塔中既滿卽爲埋

葬

縣志

又八省會館釀金置產連翠屏山一帶皆施作

義地聽人埋葬滿續捐施

新採

慶符縣

漢王墓 縣東一百二十里卽熒道王墓

張鱗夫人墓 縣南百里

五公墓 縣南十里五公壩事蹟無考相傳兄弟五人殉難合葬此

將軍墓 有二處一在縣南廣上洞一在縣東十里小菁

王將軍墓 縣西北南岸壩

並縣志

廖賓墓 縣東一百五十里鹽平壩賓字中孚誥封

敘州府志

卷十五

冢墓

二十八

慶符

懷遠將軍淑人夏氏合葬焉

翰林墓 有二處一在縣西南三里宋村山一在縣東北大窩場北岸華表尙存石刻翰林院予四字

李將軍墓 縣東一百里

明何師濟墓 縣北二里後谿

將軍墓 縣北五十里來復渡卽邑人李將軍成

何振墓 縣西關外一里大池坎

何察墓 縣西關外一里大池坎

何源墓 縣東五里三清觀

何孝子墓 縣西關外一里大池坎

何方亨墓 縣北二里後谿

李喬墓 縣西十五里古墳嘴

李向旭墓 縣西十五里古墳嘴

嚴袞墓 縣西二里鳳凰山

嚴友直墓 縣西二里鳳凰山

嚴師賢墓 縣西二里鳳凰山

嚴敬墓 縣西二里鳳凰山

嚴秋墓 縣西二里鳳凰山 並通志

嚴敦典墓 縣西十里嚴家壩 舊稿

伍文煥墓 縣西北七星山下文煥宜邑人 通志

敘州府志

卷十五

冢墓

二十九

慶符

劉之綸墓 縣東北皂角嘴灣之綸宜賓人 舊稿

周氏墓 縣南三台山明貢士何溥妻

萬人墓 縣西九十里

皇朝李爾縉墓 縣西二十五里享祿窩

李華松墓 縣西二十五里享祿窩

嚴履泰墓 縣南十里

〔鄆都易簡撰墓銘先生嚴姓諱履泰字衷介其先湖

廣麻城人祖諱袞者以孝廉任慶符縣教諭遂家

焉高祖諱廷佐曾祖諱輯祖應麟父諱敦典字克

修俱縣諸生克修公負奇節好施與所交多豪傑

之士提攜極貧尤至焉甲申之變死人如麻骸骨遍野公獨捐貲斂葬以數百千計所積德行皆此類配李孺人早卒繼聚張孺人原任廣東布政使司經歷應喬公之女生先生少聰穎過人誦書曰千言八歲已能道掌故九歲克修公沒先生哭泣過慟殮葬一一皆其所歷不苟且免喪益自刻苦年十二補弟子員屢冠諸生又十二年登明經又二十四年任酆都縣訓導蒞任二十一年卒於官年六十九歲實雍正元年癸卯十二月十五日也先生未仕時嘗膺敘州守聘襄幕事調劑便民不

肯阿附主人意有不可者輒□之至十反猶不已守初難之已而大服來酆都下車卽革去陋習勸士力學一以古聖賢爲宗初酆人以距省二千餘里入鄉試者嘗少先生至多方成就遂養兼優而困於境者先生皆恤助之故科名彬彬稱一時極盛焉簡侍從先生十年先生夙有俠氣冰操至廉雖祿薄不足以自贍猶慷慨樂施故歿之日明器不具先生生四子長曰元和貢生次元正增生次元春廩生次元燈附生皆孺人于氏出孫士庶等凡十三人尙幼先生卒之前一日手書命簡曰吾

病篤殆不能起爾知我者我死爾銘吾墓其務實以傳信毋諛先生卒門人卽與立等爲之歛越十日元正等至將扶柩歸里謀志於簡於是垂泣頓首爲之銘曰先生前世代有聞人積善垂慶於先生身先生篤學口角翻瀾未嘗一日舍書不觀先生學博尤精於史西川軼事撮其大旨先生課士曰貴立品曷爲脂韋喪其所稟先生論文以氣爲主瑰偉卓犖非此不取先生愛士不在富貴貧不能學乃助之費先生子孫旣多且賢哲人有後克繼其傳先生歸葬蜀西南陲昭示來許琢石此詞

敘州府志

卷十五

冢墓

三十一

慶符

附新

嚴忌墓 縣西金盆穴

陳我聖墓 縣東八十里瓦子壩教諭陳而新之父

嚴孺人墓 縣北六十里大坪上李華松妻

袁孺人墓 縣北六十里起龍灘李華松之繼室

義莊 在縣屬南廣嘉慶十三年知縣李大經倡捐

買置

義冢 有三一在縣西關外一在東關外一在縣東

三十里復古場

並縣志

富順縣

宋李文淵墓 縣東翠屏山下

明晏鐸墓 在城北宏治中御史姚祥修嘉靖中僉事

蔣信推官陶廉俱重修尙書李長春爲建碑

郭廉墓 在縣東梭欏埡大山麓

謝茂實墓 在縣東東山原

甘敬修墓 在城西馬鞍山

李本墓 李長春墓 李鳳墓 俱在縣東鰲溪橋

聶紹昌墓 在縣東柏林嘴

聶繩昌墓 在縣東龍馬溝

熊遲墓 在縣東黃泥灘

敘州府志

卷十五

冢墓

三十二

富順

范珠墓 在縣東梯子岩

黃澄墓 在縣東錫溪

黃仕儁墓 在縣東石灰溪

萬邦憲墓 在縣東石貢山

謝廷蒞墓 在縣東易家壩

陳盟墓 在縣東觀音橋

楊述中墓 在縣東長灘壩

范鑛墓 在縣東

李鎧撰大司馬范公神道碑范先生鑛字我蘧萬厯己未進士洛源世家也天啟時有忤魏璫之言被

逐識者重之而懼禍者且爲之諱非君子愛人以德意也而好名者且忌而不傳非聖人與人爲善意也使無人識之公歿而其事已杳然人性無私嶽□常存必無無人識之事也迨爲口北使者馭軍有方立志在不取故無敢阻其所欲行而公功以集上賜兵符重所寄也故事道有圍戶歲得鏹三百及俸若干皆應得而不害於廉者一以歸於朝方黷貨之習相沿已久維挽之在公所碑匪細而以矯目之者非也罷歸逾時起河北屯陝西副使賊自成陷晉公不屈奉身南來時滇南爲土

敘州府志

卷十五

冢墓

三十三

富順

官沙定州暨孫可望相繼摧殘公以人望撫黔禦寇扼東遯而不利而眞卿力盡矣然猶陰連粵師策圖興復積十年賊始滅公將議滇以疾未果尋卒志弗克遂悲矣朝廷任公最晚使假鉞於潢池盜弄之先金甌未墜之日必有所建以繫苞桑公今歿數十年日未之暝也誰求其佚事而闡其孤忠乃遇隱君子者言公事甚詳故樂而書之以致二孝廉再訂於名公鉅卿可以勒諸石二孝廉公之子也一名琚一名璐

新附

甘志高墓 在縣南

熊迴墓 熊過墓 熊敦樸墓 俱在縣南下龍橋

熊載墓 熊江墓 俱在縣南馬合溪

龔嵩墓 在縣南香鑪山

周載墓 在縣南鐵錢溪石馬灣

唐登儁墓 在縣南皮家灣

黃璿墓 在縣南

駱禹墓 在縣南石王溪

甘茹墓 在縣西

甘化霖墓 在城西一對山

劉之龍墓 劉用中墓 俱在縣南下龍橋

敘州府志

卷十五

冢墓

三十四

富順

楊其尤墓 楊世賞墓 俱在縣南貓兒峽

黃輔政墓 在縣西黃茅嶺

甘爲霖墓 在几山下

明諭祭文嘉靖二十七年歲次戊申九月癸酉朔越

祭日乙未皇帝遣四川等處承宣布政使司右叅

政翁溥諭祭致仕少保兼太子太保工部尙書甘

爲霖之靈曰卿器識閎深才猷敏達奮登甲第兩

守名州擢任法曹簡居水部朕方稽古建立四郊

卿與議謀殫心協慮綜理有道制度維新允愜宸

衷贊成懿典崇階屢轉薦晉司空頓遂優閑未幾

召用重修祖廟克慰孝忱爰錄勲庸孤階登陟茂
隆委任引疾乞休晚福宜綏胡遽長逝追維往績
渥示卹恩諭祭命官飭工治葬九原不昧尙克歆
承○終七諭祭文卿出逢熙運早受簡知經國遠
猷悉心展布運輪大木宿弊頓祛計處工程省節
浮費竭忠盡瘁功在皇家偶以疾辭尙期欽用溘
焉淪謝五七條臨益切悼傷再加遣祭卿靈如在
其祇承之○及葬諭祭文卿中歷臣鄰寵膺簡托
宮廟諸作靡弗効勤成績奏聞多所嘉悅偶被誣
陷公道復明俄乃召還初忠愈勵晉登少保立極

敘州府志

卷十五

冢墓

三十五

富順

人臣全節完名壽考終命茲當窀穸諭祭載頒靈
其有知祇承無斃

劉本墓 在縣西龜蛇山

劉潛墓 在縣西彭家橋

劉懋和墓 在縣西青塘垵

王養士墓 在西湖岸思賢亭左

李方至墓 在縣北龍石山

李韶墓 在縣北鴻鶴鎮

謝廷芝墓 在縣北雙橋

范懋和墓 在縣北廖家橋

阮良選墓 在縣北海棠壩

朱菖墓 在縣北朱家堰

關西文翔鳳撰朱東絡墓表朱氏先楚之麻城人其遷而家蜀之富順自受一始五傳而懋成化辛卯貢於鄉其所自眉於堂者以金階待若後生懋生紀紀生龍池公望之配韓夫人有二子伯諸生葵仲則東絡先生先生諱菖字夢環生之年爲嘉靖壬子朱氏之宗老曰朱氏之有祥發則其始祖墓必裂懋之雋於鄉裂旬日壬子則裂三旬宗人嘗說祥徵以爲消息茲益巨先生載應期朱氏蓋以

敘州府志

卷十五

冢墓

三十六

富順

地闢爲天開以比於山出器車河出馬圖耶自楚遷者能數決祥於百年之後茲不可謂異人哉庚午往應儒士全蜀之至者五千人惟先生能對十科取士策以覆蓋諸郡國落省試督學大懊惜其奇才癸酉貢鄉書春游未果雋丁丑韓夫人陟癸未則藉南宮歸養丙戌廷對丁亥授中書舍人戊子册對韓藩庚寅考績龍池公封如官母韓贈孺人辛卯分試順天得張鳳苞朱家法等十一士壬辰銓者將晉之言路里人之據膺仕者某忌詬之遂得戶部員外然向所詬中之者又自嫌其拂公

論再下石遂以癸巳內計論左甲午就桃源丞監
司吏長弗吏事苟也獨進之使矜式士其所引拔
成名者數十百人是秋聘試齊魯得呂封齊任彥
芬等九士有間龍池公訃聞馳歸蜀然家貧無以
襄至賣田一區得四十金僅克舉而里人始亮先
生爲命其社曰載英丙午之周朝楹乙卯之劉象
瑤與焉載英蓋太冲賦中語比闕令膚施庚子入
圍得王國詔等五士文翔鳳與焉命爲延安守入
計狀云止餘俸八金橐倘天下更有乙令貧踰我
者我則弗令其肝腸語非矯以詡人者督撫廉其

卓瑋特俾視郡篆郡所部三十七長踞天下四大
郡之右其錢穀所入甲中原秦諸邊稱四鎮其諸
餉咸樞於京兆添錠諸費民間幾目爲牢愁之海
先生則命以原封入弗更兌應解應支者卽付之
原封而吏書諸需索之目百不得一矣倘解支之
或縮則讓其州縣之長於是父老稱二百年之治
京兆者夔無兩 唐之琳宮遺者數百所多寄骸
骨或百年弗瘞久之則杳弗辨先生偶入他寺駭
之爲捐貲命僧畢援葬蓋以數百萬計更立澤枯
之園者七諸臺以爲二百年之治京兆者第一舉

也乙巳擢守延安向所附廓令之者去之僅三載而長其郡延之裹糧先竹馬者驩徹數百里延患水先生爲察地形以七白金築岸蘆子無負薪之嗟其掘築得古陶磁數十甕斑碧爲秦漢之貴不超哥定諸陶畢聽百姓收之寮者請以供玩竟弗一罇入也其苦節甘貞類此矣舉卓異爲天下第二人中道卽擢滇南憲副滇有妖賊千夫之嘯聚山谷者不恭是圖先生至而立捕其首十二人遂定倘稍擅民則若輩橫而騁耳茲其排難之大者癸丑擢苑馬寺卿駐平涼至九月先生卽世計已

反旆蜀道弗及唁丙辰令洛始郵諸劉方伯以奠先生其年十二月始克葬則門人叅藩任彥芬之力任氏尙亦有古之遺哉丁巳得子報書石城之瀨讀志石而汎瀾耳己未志舜至於是始克爲表墓之辭志舜曰我邑駱氏有賈其中丞坊者我大父誤收之而先君子竟辭之契上之邑庫而舍其值茲其軼事可論著者不謝坡仙之在陽羨志舜亦弗克詳其歷政聊述愚所覩紀梗概初配周蚤卒贈孺人今配方封孺人方夫人實佐先生於仕邸擬於靜好爲舉二子其側有三子志舜太學志

禹志韓志范志文諸生俱英英妙才舜若韓方夫
人出也新附

朱芹墓 在縣北朱家溝

唐可封墓 在縣東

何鍾墓 在縣北金子山

胡甲魁墓 在縣西

彭昂墓 彭士英墓 俱在縣北那伽洞

楊世則墓 在楊家墳

李謨墓 在胡家灣

周天任墓 在檬子灣

敘州府志

卷十五

冢墓

三十九

富順

張翔鳳墓 在金桂灣

王渾仁墓 在會溪橋

李爾振墓 在吉公山並舊志

甘嘉霖墓 在城西

甘汝霖墓 在城西一對山

甘芊墓 在城西曹店舖高頂山

符德陽墓 在下東程市場大壩山

甘澤墓 在城西几山

甘蘇墓 在城西貓兒山

甘芍墓 在城西獅子山

甘士元墓 在城西濫泥溝

甘藿墓 在城西楊柳灣

唐璪墓 在鐵錢溪

唐禔墓 在邑南普陀岩

唐禧墓 在邑北王家河

唐登良墓 在邑西鐵錢溪

朱紀墓 在瀾岩沱

皇朝萬世緯墓

李經墓 在胡家灣

陳暉雯墓 在觀音溪

敘州府志

卷十五

冢墓

四十

富順

李芝墓 在田壩山

晏昭墓

唐德一墓 在丁家壩

唐叔瑗墓 唐中定墓 俱在丁家壩紹公山

劉文休墓 在羅浮洞後

李復元墓 在燕子山

王廷弼墓 在會溪橋

朱振興墓 在邑西新場梅潭北岸

李芝誌銘猗歟朱氏代有哲人公暢其流儒風以新
古人既遠直道猶存公導其源習俗以敦斤斤其

儀純純其性蘊智無垠與物無競仰承先志周急
六親酌盈劑虛洽比其鄰劬躬謹約壽後詩書燕
桂繼美羣嗣充閭北山之陽松竹蒼蒼我銘斯石
山高水長

朱成之墓 在陶家橋

朱望之墓 在邑北官斗山

張德榮墓 在下南龍王沱南岸

黃靖圖墓 在下西樓房灣

張震墓 在下南漕家堰

朱珂墓 在邑西賈壩

敘州府志

卷十五

冢墓

四十一

富順

朱偓墓 在榮溪岸下壩山麓

朱佶墓 在蔡家壩

朱侃墓 在大峩橋溪上

朱悅墓 在邑東三河壩

朱碗墓 在大田壩

朱圻墓 在榮溪岸右遷葬大順橋山麓

朱堅墓

朱墀墓 在葫蘆堡七星橋

朱基墓 在大峩橋朱侃墓之左

朱培墓 在羅壩

朱塋墓 在柏樹灣

朱墳墓 在七賢坡天堂廟側

朱鉅成墓 在槽溝王大山之東

朱鑑成墓 在羅壩

朱憲成墓 在蘆溪七星橋岸北

蕭光岳墓 在縣南虎頭城北毓賢莊有墓誌

蕭成賦墓 在縣東之溪鎮下礮離城八十里

蕭承授墓 在縣東河嘴上離城七十里

蕭祖成墓 在下東鄧家灣

蕭永高墓 在下東北廟子花樹灣

敘州府志

卷十五

冢墓

四十二

富順

蕭承昇墓 在童家寺三板坵

羅世安墓 在邑南來龍山左

並新志

阮振中墓 在郭家鋪

采嘉徵墓誌有德而詘於遇亦或然耳天道至公毫

釐不爽人自弗覺也如忠孝賢哲之後子孫盛大

殆歷歷可數矣觀濤阮公紹一富邑才人蹭蹬一

第不平矣比入仕循卓躋言路平矣効忠誠於國

是晦經濟於亂離不平矣壽考終吉碩彥承休平

矣夫博主司一笑爲難受當亡特知則易當身而

樞輔非奇奕世之顯揚莫及君子曰可以悟必得

之理矣阮公之生在萬曆癸巳仲春月十三日之
吉天啟辛酉選明經崇禎己巳任海鹽訓道鹽之
人士咸德公至今勒石尙存彭大夫觀民筆也甲
戌夏陞知壽昌縣前令失民和市棍方丁香挾眾
而叛之以石疊門圍數匝郡守率兵解圍刻令去
釋叛不治姑安之也公臨邑其黨猶固公不理訟
疊門者良久黨亦稍離公始嘉丁香義勇使領團
練事至是密計擒之同倡亂十餘輩悉伏法除火
耗罰鍰及繳絹諸陋規一胥以鋸三百兩置茶簞
進重杖逐之庭無積訟獄無冤民假中書余之鯨

橫行郡邑公覺其詐訊其從人得圖書一箱皆大
老爺姓名所攜嬪則娼也解鞫論如罪撫按上其
事而旌之車上聞嬪人唬執至供徽歛人姓陳小
字艾姑甫嫁三月被人誘賣適新夫又一月矣移
文歛縣還原偶捕治誘賣者他若鈎深摘隱無不
巧中聽訟僅一二語情僞立辨判詞援筆立就因
事簡而請裁冗丞半汰胥隸無非便於民者邑無
城公捐俸創建士民僉悅爭勸厥成初苦乏石忽
大水涌石數萬至郊共以爲異謂城爲阮公城丙
子久旱鄰邑皆苗槁壽先得雨更有秋庚辰靛寇

作亂發於處州殘破湯谿所過荼毒眾八百人圍
壽公登城喻之賊日久聞壽侯清官我輩姑不攻
可厚供給遣我公令民具兼饌遺之羊豕酒粟加
以布帛皆百疋賊大悅斂聚城西醉舞歡歌宿宋
公菴張示稱大定僞號用天王僞寶書一聯菴壁
云江山有意歸賢主日月無光照大明黎明逸去
無踪公集所練壯丁謂曰賊以易我不卽此捕滅
壽必有將來之患矣迺命人操短兵執銃挾弩勇
悍數百人潛躡賊後分百人給典史袁應聘逶迤
出賊前布旗鳴鼓憑險以待賊果寬衣徐行至地

名遇合見前後皆兵大駭竄因縱擊之顛落崖谷
死者過半生獲三百餘人兩院以聞時公已奉薦
七次連舉卓異天子嘉其績行取赴闕以故淮撫
史可發特題監軍上不報可辛巳冬赴召壽民涕
泣攀轅追送千里因建祠祀公一塔一菴伴公香
火壬午三月召對四十四人上賜諸臣茶餅復賜
宴方午升幄問關外解圍生聚兵荒州縣及議蠲
議緩國用仍充等策以朱字御書命內臣持詔諸
臣三人一列口陳條對次序起伏上親記其言大
學士吏部尙書左都御史執筆分記漏下二鼓對

方畢上命諸臣來日補奏不得浮泛勦襲增飾互異公以主戰爲言眾危之上獨喜擢江西道監察御史當時榮遇者悉出特知未與公卿接一語真無愧天子門生云公居言路疏請起廢卹忠蠲逋數事俱得俞旨上諭之曰起廢一事久經舉行撫按官爲何不遵以後有這怠玩的你每科道官叅來浙西欠絹自天啟七年始民不堪命以公言得豁也庶常劉之綸贈官而恩未及孤以公援汪喬年傅宗龍例爲請廕金吾千兵也時諭科道保舉同籍罷員公舉范公鑛劉公象瑤允起范河北屯

田上求直言切公請雪施公邦耀章公正宸疏留中蓋公之心正公之誼盛非人易及也差視河東太翁有寄詩似葉名何重急流勇可師之句遂拜疏終養奉旨阮振中何得借端求去又疏再懇天恩事奉旨都察院知道掌院金光辰覆疎云臣看得御史阮振中報國有誠念親非託蜀地頻遭兵火室家興歎化儗眼穿負米之人血盡倚門之淚臣欲勉以大義其如方寸之亂何矣稽諸憲典衷以聖言七十以上之例旣符一則以懼之情更切子年剛壯事君之日正長聖德高深作人之方非

一伏祈皇上允其終養克廣錫類之仁奉旨阮振中姑准給假省親勒限前來供職吏部知道公出都仍歷蘇杭嚴衢遶出江右至新淦求祖墓置祭田癸未秋至新化縣聞先公訃冬抄達廬踰年國變七月流寇入川公避地敘郡之南賊又至入鎮雄土府居之太守隴藍田敬擁備至彝漢民感孚如一家焉丙戌賊稍北移寓筠連縣與鎮雄連壤約無相犯聚士大夫於此據險營屯丁亥春亂兵至筠多不可制年饑斗米十兩仍避入鎮雄詔起進回鄉公方整旅而出將先綏又鄉土見諸方鎮

驕恣專擅刑賞棄去居高縣之落木翔其地深幽亦接鎮雄界得人士避難者數輩引之朝夕談往事飲酒圍碁自適絕不應酬世務癸巳春單騎往龍山省墓還至筠連病篤卒於閏八月十六日之丑藁葬筠連北城外公壽六十一耳遭逢厄運齎志山丘能不悲哉如公全節以永終譽殆亦少矣公處己澹甯遇人謙厚雖言無激烈而守正不阿雖約處屢空而毫不增益臨事先有成謀若無所營者乃不勞而事輒舉人服其識量云衣不重帛食不重味內無艷姬外無悍僕蕭然自若世味全

絕謂之心正謂之誼盛不亦信乎今有方之吳廷
舉者以資格言也愚將謂過之矣孺人舒氏鄭氏
舒氏生於萬曆丙申三月二十一日之申卒於天
啟癸亥三月十八日之酉葬郭家舖鄭生於萬曆
己酉七月十一日之丑卒於崇禎丙子十月十九
日之巳葬黃家灣子二鑽釵女二一適曾一適樊
孫四人鑽字伯扶品詣超卓詩文古雅年未三十
著作甚富弟捷中舉壬午仕爲普安學正殉寇難
掄中仕爲遊戎禦寇戰死文曾舉壬午仕爲監軍
僉事以疾歿今伯扶將奉公還葬鄭孺人之左卜

敘州府志

卷十五

冢墓

四十七

富順

吉戊申冬吾浙人也耳公治行久之值吏隱川南
廣延詢問於士大夫者益詳公不可無誌舍吾奚
屬因弗揣志而銘之銘曰淵乎其度介乎其容立
朝慷慨不戀世榮旣屈伸惟道而卷舒在躬清冰
徹玉壺朱絲汎直絃未足方其潔而齊其風行已
無忝兮帝眷攸隆宜爾子孫兮考爾新宮新增

南溪縣

漢張貞妻烈女黃帛合墓 在縣西關外二里許地名
黃帛坎知縣段玉裁翁霏霖重修刻誌建坊道光十
九年知縣翁紹海重修

明劉信墓 劉忠墓 劉景寅墓 劉景宇墓 以上
四墓二在縣西二十里大峽溝嶺岸二在縣東五里
九龍灘後石子嶺

闕濟墓 在縣北二十里闕家灣左劉家冲

闕繼宇墓 在縣西二十里龍頭堡闕家林

闕應諭墓 在縣北闕家灣

闕應誥墓 在縣西闕家壩

李元俊墓 在縣西桂溪橋畔三山壩

李文祥墓 在縣東邱家壩之白馬灘

李應亨墓 在縣東邱家壩白馬灘

敘州府志

卷十五

冢墓

四十八

南溪

李時賢墓 在縣北鳳凰山

並縣志

明侯良柱墓 在縣北五十里觀音灘道光十七年知

縣翁紹海親訪墓碑見刻侯公之墓四字並無良柱

字樣因令其後裔重立墓碑

縣志

〔翁紹海記太保名良柱南溪人縣志載其死難及葬
所並其子天錫上疏殺賊事甚詳丙申冬余來訪
墓豐碑屹然不勒太保及其子之名心甚疑之
侯茂才者太保裔也一日持族譜來謁曰太保公
以崇禎十一年歸葬惟時寇氛熾甚先祖天錫又
請自當一隊剿賊復仇當日墓碑所以不勒名者

恐賊效魚朝恩故智禍及枯骨耳今幸承平日久
子姓繁衍族人願易碑鐫名乞紀其顛末存沒感
且不朽余聞之恍然悟更喜忠藎之有後而幽光
之必發也爲之記而並系以詩孤忠君不諒仗節
有餘哀國手支殘局天心厄將才雪仇空拔戟恢
土望然灰兩世留遺恨灘聲因怒雷新附

尹從淑墓 在福溪口桂輪山新增

包寬墓 在縣東納沙窩縣志

李昌智墓 在縣北鳳凰山官禮部主事

牟志夔墓 在縣北二十里小溪官山西巡撫與張

敘州府志

卷十五

冢墓

四十九

南溪

夫人合葬

張闡墓 在縣北一里瑞雲山官雲南布政使

楊璞墓 在縣治十里雞罩山官刑部主事

侯啟勝墓 在縣西五十里杜家壩官叅將

侯采墓 在縣西五十里茹溪河官遊擊據通志增

義冢 一在縣北關外瘞骨亭龍洞子田地二處嘉

慶十七年公置一在東關外石子嶺耗子巖田地二

處嘉慶二十四年公置一在西合壁窠地土一處嘉

慶十七年邑增生甯文俊捐道光十六年訓導甯興

俊復捐挨連地土二處一在北龍洞子涼水井地土

一處嘉慶十八年邑人劉斯元捐縣志

長甯縣

唐越王墓 〔一統志在長甯縣治西南明統志高廣各數丈以花磚砌之有古柏合抱故老相傳爲越王葬此未詳何人或云唐太宗子越王貞爲綿州刺史卒葬於此據通志增

宋劉誼墓 在龍透舖前百餘步明嘉靖間盜發之墓中四壁皆刻人物花卉之狀有石誌爲盜所碎其畧云誼長甯人舉進士授將仕郎又云見人饑則食之見人寒則衣之年六十六卒娶王氏生三男三女婿

敘州府志

卷十五

冢墓

五十

長甯

黃仲良郭齊年俱進士一冉姓者缺考誌爲宋崇甯元年六舉進士劉諒所撰

單演墓 在小桃源北岸爲溪水所潰

黃安撫墓 在涇灘南岸失其名疑卽進士黃仲良仕宋爲安撫使明正統間其裔所藏遺像猶存幞頭金帶紫衣象簡係顯宦狀景泰初燹於夷墓前碑仆字俱磨滅

周惠墓 在龍迸水上石刻猶存係明周文安公六世祖官知長甯軍

劉仲達墓 在龍鰲山縣北四十里

采楊棟墓銘三峩之陰秀野平疇風氣開敞其民貧而好文雖孤村獨屋不無絃誦聲有小集曰西河坪諸劉居之與予宗人婚姻綢繆蓋已久矣寶祐乙卯長甯劉侯君舉來守吾州則西河之自出也徙長甯五世矣高牙上冢光於邦家劉氏復振予先已銘侯之母夫人侯又以書命其兄之子寅來浙之餘杭求銘其考妣予讀侯所狀而悲之謹按君諱仲達字君行曾祖追贈承節郎妣蘇氏祖鎡贈迪功郎妣程氏考仁司字子厚贈迪功郎妣王氏君性孝友容氣安舒望而知非伎求者然強力

於學雖酷暑嚴冬手抄經史日率萬言教授鄉之子弟先灑掃進退之事治經必精求義理所居三江西有龍鼇山聳翠雄峙三江匯焉君將抱琴書築室於斯未也而以疾卒年甫四十四妣程氏亦眉州丹稜人貢士程炳之女劉出也生與君同年貢士歿母攜持以自託於兄子厚公子厚公闢室峙糧使居焉此長以歸君平昔禮度自防鄉人憚其嚴稱女丈夫生四子而君卒長子重慶次子長慶又卒夫人任家事教餘子彌篤君卒於端平乙未葬於純祐乙巳十二月壬申越明年夫人卒與

君合窆墓在龍鼇山君兄弟四人伯方壽康爲涪州耆舊叔太守季貢禮部獨君業成行修澹然獨遠蓄美含章人謂發也必大而竟不偶又弗克壽予之所悲也君歿二十有一年夫人歿十有一年子序慶以令名取鄉舉遂由外省中丙辰進士卽寅也今爲修職郎涪州司戶叅軍兼司法四泉慶業進士女二長適三瀘周浩次適梅溪楊印行先卒內外孫合十有一人寅之來書予悲又喜謂西河之族或將興之未艾而吾親戚朋舊之逃鋒鏑免湯火者于于衍衍若魚始舍而枯生英也倘涵

育振拔而用之何乏才之有嗚呼自君之亡秋來而雪霜秋去而虎狼凡生之類殆本絕而根滅然則斯之免者免而成者成又寢昌者非自佑之孰能留其良如劉氏之鏘鏘也哉吾文何傷銘曰龍吟之宮不踞其巔而藏乎其中水以爲滙山之風風乎無宗其在後美俱有耀而光充尙眉山之風風乎無窮

明車清墓 在兩渡水岸上先卒於常德府葬馬子溪

後移柩葬此

並縣志

周本源墓 在東溪之涘香德池阪上

周洪謨記嗚呼吾祖始峯先生卒四十有三年矣予
考仕長陽時嘗述墓文俟歸刻石其後予考易簣
文稿災於回祿至是洪謨始追補之公諱本源字
克讓號始峯始祖諱大一宋紹興中自成都資陽
徙居長甯五代祖諱惠仕宋知長甯州高祖諱寶
曾祖諱壽翁祖諱丙傳世以德義推重閭里父諱
世祥以孝行文學爲後進師縣之俊彥率由其門
後膺薦仕國初爲本學訓導丰采峻而教法嚴學
者畏而則之公性平和行謹飭年十餘歲能講五
經大義於諸子百家無不讀洪武十九年以經明

行修薦本學訓導前吏部郎中車清浙江參政李
應春前軍都督府經歷蕭永中寶山州同知范道
興定邊縣尹趙拙皆其高弟邑大夫題其精舍曰
厥父旣作室厥子復肯堂相繼振文學皆不離其
鄉又以曾伯祖諱壽翁祖諱丙傳伯父諱世臣世
氓皆嘗爲諸路教授故表其坊爲世儒二十八年
以秩滿調西安府學永樂四年以秩滿調池州府
學十三年又以秩滿調河間府學二十一年始致
仕歸前後爲學官幾四十年所至以孝友恭儉率
多士而循循善誘近歲三郡庠士猶有仕京者皆

稱慕焉公嘗召入內閣同修永樂大典平日居官必勤待物必恕喜不至謔怒不至詈飲不至醉服御不尙侈靡亦不使污陋配趙太君婦德母儀爲六媼重子五長諱永正次諱永隆永樂癸卯鄉薦擢長陽訓導贈翰林院編修次諱永泰永宗俱篤行力學女一歸唐權孫男十長子生洪規洪矩次子生洪肅洪义洪哲洪謨洪晟洪範第四子生鳳麀女三曾孫男二十女八公之生在元至正十三年十月之十一日其卒在國朝宣德元年正月之十三日年七十四以卒之年二月葬長甯東溪之涘香德池之阪上嗚呼洪謨承遺澤餘廕備員祭酒而違鄉邑遠且久未得卽旋躬親灑掃姑述潛德梗概刻石以歸樹之墓道云

周永隆墓 在縣東三十五里吉子林之高阜上

縣志

〔裔〕輅墓銘贈朝議大夫南京國子監祭酒周公卒於正統己未三月十三日越三十二年爲成化庚寅十一月三日其配韓太恭人卒子洪謨時任南京國子監祭酒援例解官扶柩歸葬事聞上特遣官諭祭勅有司營葬洪謨述二親行狀以誌銘來屬按狀公諱永隆字鼇滙姓周氏其先成都資陽人

宋紹興中徙居長甯六世祖惠仕長甯知州由知州而下世皆儒官號世儒周氏早歲侍其先君子始峯先生歷官西安池州河間諸郡學讀書稽文日有所得比歸爲里塾師無意仕進里中長老謂曰子先世皆仕子何獨不然時年三十八進本邑庠生一時輩行執經問難事以師禮後領永樂癸卯鄉薦宣德庚戌授長陽學訓導閒著松潘學事所至拳拳爲諸生講明經義作興勸勵俱有成效正統戊午夢故鄉西溪逆流知非吉徵明年遂棄官赴京請老三月至成都得劇疾謂二子洪义洪

晟曰吾平日所行未嘗有不合義事而乃客死於此豈非命耶卒年五十有六二子扶柩歸長陽辛酉冬歸長甯又明年三月葬縣之東四十里吉子林之原己巳以洪謨貴勅賜文林郎翰林院編修成化庚寅賜誥加贈今官階公爲人和厚樂易事親孝處己敬待物誠清心寡欲重義輕利宗族鄉黨無貴賤老幼慕其忠信咸愛重之平生樂於爲善凡橋梁道路有圯必率眾建之嘗言忠孝陰隲君子終身由之可也自少嗜學早夜研究經史旁及釋老諸書靡不涉獵所著有鼇滙集二十卷字

義切畧十卷配太恭人韓氏同邑薑山處士韓琬公之女幼有淑德旣于歸深執婦道克儉克勤尊長悅其孝卑幼悅其慈媼族鄰里悅其仁治家有法閨門雍睦族中幼者稱諸從父以字太恭人易以行稱曰幾伯父幾叔父至今人以爲法性好施予愛惜物命子洪謨迎養居南京二十餘年見失朝者被罪每戒洪謨以雞初鳴卽起無悞朝參在史館戒以謹慎采錄無執己見妄有毀譽及爲祭酒又以戒凡事務秉至公監生貧窮違限者毋罰其應給月糧者毋入資公用洪謨皆遵行之先封

太孺人後封太恭人卒年八十有七子六長洪肅次洪义洪哲次卽洪謨進士及第歷翰林院侍讀學士遷祭酒次洪晟洪範女一適宋仁孫男若干孫女若干以卒之明年十二月十八日取朝議神主衣冠合葬於祖塋之次嗚呼朝議公位不滿德太恭人克相以禮是宜天錫餘慶恩典昭於身後祿養榮於身前方來之福猶未艾也予以洪謨聯名甲第義不容以蕪陋辭因爲敘而系以銘曰長甯周氏遷自成都知州而下累世業儒領薦鄉闈身教邑庠啟迪造就師道有光厥有賢配勤儉仁

慈篤生令子顯用於時錦誥褒封被於幽顯積善
獲報如合符券諭祭有文勅葬有典琢石刻銘昭
示子孫

周洪謨墓 在本府白沙灣龍首山之隅夫人王氏

祔葬

縣志

明諭祭文宏治五年歲在壬子夏五月朔日辛丑越
祭日丙午上遣四川等處承宣布政使司布政使
何鑑諭祭於太子少保禮部尙書周洪謨曰卿以
該博之學通敏之才早擢賢科薦躋翰苑經筵進
啟沃之益史館効編纂之勞閱歷滋深報稱弗替

敘州府志

卷十五

冢墓

五十七

長甯

教成均而兩京之人才繼出遷宗伯而一時之禮
樂克修宮保榮加禮曹仍掌顧倚毗之方切乃休
致之是求既遂幽間偶罹疾疹訃音遠至同朝悼
傷眷念生平宜施恩典特諡文安尙書如故爰命
有司爲營葬祭以表始終靈其不昧尙克欽承
李永通墓 在縣東北涪溪之左碑巖之原成化十
六年卒於京事聞遣敘州府知府陸淵之諭祭

明諭祭文卿以篤實之學登名賢科歷官翰院純靜
端方始終不替况其校修史館累効勤勞簡在朕
心爰陞厥職未及一紀遽爾疾終訃音來聞同朝

嗟悼茲特遣祭尙其享之

周洪謨李永通墓銘貫道爲史官講官而徒學士何職任之清華惜天不假之年而聲光不能宏遠以涉遐然儒林之聞其凋謝者莫不爲隕涕而咨嗟

沈華墓 在安甯鄉碭子上

侯啟忠墓 在麗日山下

並縣志

李仕清墓 在三江口高阜上配趙安人祔葬

縣志

〔杜桂李仕清墓銘先世陝西三元人時祖諱龍者任長甯教諭遂家焉五世孫應春仕浙江參政公乃八世孫也配趙安人生子三長相訓導次楷槐俱

敘州府志

卷十五

冢墓

五十八

長甯

庠生生女一適知事丁時孫男七弟仕嚴公以祖產讓之侄柄仕零陵縣知縣機植亦庠生皆趙安人玉成之也知州杜桂銘其墓曰公德茂著公室儀型內外有政家邦御平不誣者福不朽者名是稱雙璧共瘞斯扃

李鯨墓 在清溪高阜上

周汝端墓 在三江口高阜上

雍九鼎墓 在縣西五里黃葛崖側

並縣志

高縣

明喻良墓 在東門外鳳凰山石華表二墳瑩石碑俱

存

魏天威墓 在歸化鄉張家壩月形山無碑碣壘石
為塋

杜斌墓 在綏來鄉三甲陳村官倉後天順二年碑
記

皇朝陳陞墓 在縣治南六十里綏來鄉陳村黃沙坎康
熙四十四年碑記江西南豐人

蔡巡檢墓 在安甯鄉平寨不知其名

朱外郎墓 在定邊鄉木甌山墳額有朱外郎墓四
字刻於石不知其名

敘州府志

卷十五

冢墓

五十九

高縣

李侍郎墓 在左三甲真武寺旁

詹解元墓 明人在沐愛洗馬溪上碑碣猶存

吳貴墓 在正六甲龍井溝口右殘碑磨滅僅存大
明勅封副總戎都督吳貴之墓

周孟清墓 明大理寺少卿江西饒州府知府勅授
中憲大夫周孟清之墓在安靜鄉馬家壩下地名石

柱灣有碑記

義冢 在縣治東南二里

義冢 在西門壩知縣陳樹豐置並縣志

筠連縣

明王禎墓 在治東仙峯巖官工部主事

蘇奎章墓 在治北獅子口官岷藩教授

亢公墓 在治南馬龍溝碑書進士亢公名闕之墓
科分無考

詹廷貴墓 在治南杉樹坳贈中憲大夫葬之前
一夜有羊於穴中產三子後其子孫果有三元魁之
應

陳時數墓 在治西筆架山卽仙鵝穴官知縣

詹鱣墓 在治南白果坪誥封中憲大夫

蔣恩榮墓 在治南濫泥溝官雲南學政科分無考

敘州府志

卷十五

冢墓

六十

筠連

詹應昌墓 在治西學士山官武昌道參議

詹祚昌墓 在治西南高壩官知縣

韓冕墓 在治北銀鄉官知州

詹錫昌墓 在治南槲栗灣官知州

陳惟容墓 在治南濫泥溝官知縣

陳圭墓 在西河岸官知縣

蘇器墓 在治北海銀場後壩官知府

鍾趙墓 在治北龍潭俱官知府副榜鍾行旦與恩

貢趙俊曾有生同窗死同穴之語歿後子孫卒合葬
之

蘇九容墓 在治北海銀場官戶部郎中

陳所修墓 在宦家林官知縣

陳敦仁墓 在陳家嘴官知縣

陳策墓 在治西筆架山

楊爾銘墓 在治南白鶴寨官巡按御史甲申之變

殉難未歸招魂葬父敦復墓側

郝愈墓 在治北玉壺井官知縣甲申殉難未歸招

魂與夫人陳氏合葬

皇朝葉筠墓 在治東杉樹坳官學正

詹渾墓 在治南二里牟家地官知縣

敘州府志

卷十五

冢墓

六十一

筠連

郝棻蔭墓 在治南游家灣官學正

詹乾齡墓 在治南楊家村

葉鳳立墓 在治東白荆坡官州判

陳夢炎墓 在治南堡高官學正

詹紹德墓 在治西梅子口官知縣

詹紹文墓 在治南牟家地官知縣

郝宏業墓 在治南葉家山官教諭

陳世鏞墓 在治東螞蝗溝遷葬白荆壩肚兜地官

知州

陳世鈿墓 在治北斑竹溝官知縣

詹紹輔墓 在治東下墩壩官知縣並縣志

珙縣

古墓 在縣治文家壩朝代姓名無考其墓堅甚外以石工扣砌相傳內用鐵鑄成

焚棺墓 在縣南上下羅計諸山中焚酋懸棺之崖甚多朝代姓名皆無可考

明郭公墓 在縣南上羅計符水岸傍係郭成之父誥

封昭勇將軍並通志

郭成墓 在縣治孝友鄉符水側官總兵通志縣志原

按郭公父子墓相去不遠據下羅計寺鐘敘南衛卽

敘州府志

卷十五

冢墓

六十二

珙縣

下羅計堡成居下羅則為珙人可知故補入人物志內

張總兵墓 在縣治崇禮鄉落表壩官總兵名無考

何友善墓 在縣治兩河口任湖廣道御史卒於官

未歸其子孫以衣冠營葬於此

丁鍾墓 在縣治丁家山

皇朝孝子范嗣鎮墓 在縣南水車壩舉人奉

勅旌表並通志

興文縣

古熨人墓 建武一帶凡懸崖峭壁上鑿崖為穴置

棺其中重叠相望今其棺尙有存者

元三王墓 在沙漕三王凸地連江安界三墓聯列三王姓白相傳在元時寓此能入水爲蛟龍號爲三王又號靈君自爲墓而暝大雷雨則見三人舞墓旁今墓尙存其自來與得號未詳

明劉在塘墓 在建武武甯鄉大營上東嶽廟山嶺下於萬歷初由參將克九絲臨敵陣亡因葬於此

李近泉墓 在建武城南馬鞍山下石柱灣碑書明顯考李近泉之墓〔按〕近泉乃字而非名且里居爵係俱未明注或以爲卽從征副使李江也近泉字頗似

敘州府志

卷十五

冢墓

六十三

興文

然不可考矣

並縣志

皇朝張永智墓 在建武城南三里大營上官建武遊擊休致家焉卒葬於此

它鼎元墓 在建武城南三里大營上係它成之父誥封中憲大夫

戴毓礎墓 在縣北一里官山福建龍溪人任興文令卒葬於此

江琛墓 在縣城北浙江仁和人任興文令卒葬於

此

並通志

林璋墓 在中星山後生基灣

典史墓 失名在蘇麻田碑已剝蝕僅有四衙二字可認

黃誥墓 在關門口

駱永清墓 在北門外燕子窩

義冢五 一在縣北一里知縣趙汝礪捐置一在縣西三里地名苗子墳龍友銅施一在縣南二十里地名大坪上凌霄書院施一在中星山同治二年邑侯李璠捐置一在縣北蓮花礮光緒十一年邑侯幕賓錢君捐置

建城義冢 在東關外一里鄉人羅文錦捐置並縣志

敘州府志

卷十五

冢墓

六十四

興文
隆昌

隆昌縣

漢吳懿墓 縣城內護國公後咸豐元年有二輿人子拾炭渣於此見古墓崩塌一孔內有石案中鐫字蹟旁列銅鐙臺二座各取其一以歸輿人思得其二兩相爭鬪鳴之於官方知卽大將軍墓也

宋惠八郎墓 在海藏寺下橫山子左邊尙有三月壬日葬五字在右邊尙有日兄立三字在並縣志

明郭廉墓 縣南三十里墨溪之南

晏鐸墓 縣南三十里墨溪之西

李人儀祖墓 縣城南關外濱河古墓數塚上覆以

石有華表二無碑相傳爲李氏祖墓又有伏虎形墓
在南門外未知卽人儀墓否也並縣志

扈湘墓 在扈家巖縣志

皇朝知縣黃文理記邑之西南隅距城十餘里有扈家巖
俗傳巖下有扈黃胡三進士墓而莫知其名甲申
春邑人有爲虞芮之質者余往勘焉至涂家場望
懸巖壁立山色葱蘢從人爲予言曰巖下壘壘三
塚羅列於荒烟蔓草間者卽所謂扈黃胡三進士
墓也遂減從徒步往觀之三墓宛然華表零星碑
石縱橫五六尺拭而讀之僅得其姓餘皆剝蝕莫

敘州府志

卷十五

冢墓

六十五

隆昌

辨歸以其事述之友人僉曰公修纂邑乘搜羅往
蹟此三賢者或可賴以傳焉余曰志所以傳信而
垂諸久遠三人之墓雖在然未考其名諱不識其
里居耀質何代潛靈何時以及人品之高下功名
之顯晦皆不可考第以其姓氏科甲窀穸崖麓
圖梨棗不猶是稗官野史之所記載乎誰其信之
友人曰天下事有曠世而相感通者依古以來名
公鉅卿文章德業固代有傳人而世遠年湮豈無
淪沒而未盡表章者哉夫三人既能取科名捷南
宮則文學詞章在當時必有可觀况乎佳城鬱鬱

華表峩峩居然官塚三人似又不徒以進士終者耳表而出之是亦闡幽抉微之一端也如必按舊冊而稽之執一編而考之則長林豐草間幾何不抱恨泉壤爲山靈所竊笑耶爰敘列其姓氏塚墓而志之嗟乎隆邑自明季兵燹後學士大夫故家舊族流離播遷三墓而外如南關之石墳數砌咸稱爲明進士李人儀祖墓而其名亦不著蔡家舖高塚在陳廖二山之間則并其姓氏無之他若余足跡所未到之處廢冢又不知凡幾也可勝慨哉故並誌之以俟考古君子

新附

郭良翰墓 在正覺寺石柱坡華表尙存

熊應占墓 縣東五十里

鄭一泉墓 巡按御史戴燦題曰一泉先生墓

彭家墓 在縣西五十里余家橋貴州思南府同知

彭嚴祖墓刑科給事中錢夢臯題墓碑

郭楊氏墓 縣南三十里聖水橋東

彭嚴墓 縣北七十里李子蕩傍有彭鑛墓下有彭

湜墓

萬人墓 縣北七十里黔峯寺貴州銅仁府推官彭

惕歸蜀斂獻賊所屠之男女骸骨疊墳二塚葬於峯

之巔題曰萬人墓

喻其黃墓 在縣南二十里騾子灘板栗溝

李南江墓 在石燕橋有明進士官滇南道碑

李嘉賓墓 在蔡家舖有明進士官知縣碑

郭繼芳墓 縣南三十里秦家溝

李一江墓 縣西十五里蔡家舖監察御史張季思

題旁有李松溪李祥之及夫人雷氏碑

郭之範墓 在桂溪橋右

並縣志

屏山縣

古官墓 在書樓鄉牌坊華表石人石獸臺階俱備

敘州府志

卷十五

冢墓

六十七

隆昌
屏山

碑字磨滅無考

王常墓 在書樓鄉

鮮璿墓 在青嵐山葬孝子鮮懷經父

〔教授劉士安銘獅子之岡處士深藏青松鬱鬱翠柏

蒼蒼詩書澤世忠孝聯芳爰系以銘誌於墓旁

列女侯氏墓 在青嵐山葬孝子鮮懷經母廣西布

政使郡人王常誌其墓

鮮懷經墓 在獅子岡

虎葬墓 在月波嶺楊巡撫楷母爲虎所噬置巖洞

前迹得之葬池處虎仍攫置巖前羣蟻啣土成墳眾

異之識者曰此吉穴也

劉金墓 在石柱灣

瀘陽門人進士朱茹銘幼孤篤孝格於蒼皇俾爾壽

考既富且康福被二人譽播一鄉東晉民牧西川

士望龍湖呈瑞鳳嶺增光後昆如雲厥德永昌

楊楷墓 在月波嶺河南布政使宜賓尹伸有誌

義冢 東北各一處又沐川鄉義士於乾隆二十七

年公買老虎漕山場一處

並縣志

馬邊廳

李將軍墓 在黃茅岡先吳逆由邊進入涼山李將

敘州府志

卷十五

冢墓

六十八

屏山馬邊

軍諱宏鑒引兵追殺力戰陣沒

諭祭文康熙二十一年六月十五日諭祭陣亡副將管遊擊

事加贈都督僉事李宏鑒之靈曰鞠躬盡瘁臣子之芳踪

卹死報勤國家之盛典爾李宏鑒賦性忠勇才能稱職捐

軀報國効力師中奮不顧身力戰陣歿朕用悼焉特頒祭

葬以慰幽魂嗚呼聿昭不朽之榮庶享匪躬之報爾其有

知尙克歆享

雷波廳

岳泰墓 在黃螂城東任安阜營都司

龔士英墓 在廳北關外普安營把總

熊綱墓 在廳北關外普安營把總

王奇才墓 在廳北關外普安營千總

馮天祿墓 在廳北關外普安營把總

郝騰龍墓 在廳北關外普安營把總

馮正朝墓 在牛吃水場東十里前任陝甘督標遊

擊

余海墓 在黃螂城外任安阜營千總嘉慶中征達

州教匪陣亡歸骨葬此

李文貴墓 在牛吃水場北普安營把總

薛時敏墓 在廳北關外歷任存城外委那比汛把

敘州府志

卷十五

冢墓

六十九

雷波

總

韋安墓 在西關外普安左營守備

何玉春墓 在西關外烏角汛把總

尤朝盛墓 在箐口汛本汛把總

鄧銓墓 在箐口汛西本汛把總

楊石金墓 在大旗山內

並廳志

金國柱墓 在廳城外東山麓官普安左營守備

新採